

Nuutsbreef augustus 2019

Bèste Veldeke minse,

1. Poëziewanjeling in de Nuusjtadt.

Leje, die zich door betaling höbbe aangemeldj vöör de poëziewanjeling op 21 augustus en die 't geldj neet höbbe trök gestortj gekrege, kenne mit de wanjeling. Daovan volgtj verder gein berich. Óm half 8 waere de deilnummers verwachtj oppe Mert in de Nuusjtadt van wo-oet in 3 groepe vertrokke weurtj. Dao kan m'n ouch parkere.

2. Opgave vöör de aovendj "Limburgs Preuve"

Vöör de gezellige aovendj mit informatie äöver en preuve van Limburgse streekprodukte op 20 september këntj m'n zich nog opgave. 't Bedraag, 3 euro p.p. (Introducees 5 euro) mótt vöör 13 september äövergesjreve zeen, of contant betaaldj same mit de bón ónger aan deze Nuutsbreef. Vöör die eige biedrage krig ederein dae aovendj van Peter en Judith Janssen get te preuve. Later es geneumdje datum kan neet, omdet zie de inkoupe en vöörbereidinge mótte doen.

3. Kersaovendj weurtj Adventsmiddig

't Bestuur haet d'r vöör gekaoze de Kersviering dit jaor 'ns anges in te völle. In plaats van 'ne aovendj vlak vöör Kersmis, gaon w'r get eerder zitte en waal op 'ne middig. De invölling weurtj in de adventssfeer mit es motto: "Ónger waeg nao Kerst". Bie dae middig toch de vertroewdje óngerdeile wie meziek, vöördrach en get te aete. De nuje datum is zóndig 15 december, van 15 tót 18 oer. De dialekmès in de kirk van Pej op vriedig 20 dec. zal aeve good plaats vènje. Verder info in 't volgendje nummer van oos Veldeke Bekèt.

4. Veldeke Bekèt en Nuutsbreef oppe website

Vanaaf dit jaor staon de nummers van 't kwartaalblaad "Veldeke Bekèt" en de Nuutsbreve ouch op oos website. Det is henjig es m'n de pepiere versie neet gaw këntj vènje. Mesjien zeen d'r ouch leje die de Veldeke Bekètjes bie-ein haoje en daobie nog 'n paar nummers misse? Bie oos volgendje activiteit zólle w'r aoj nummers, die w'r äöver höbbe op de taofel bie de entree ligke. Die këntj g'r dao gratis mit numme. G'r këntj ouch vööraaf doorgave welk(e) nummer(s) g'r misj.

5. Clubkas campagne

De sponsorcampagne van de Rabobank geitj vanaaf dit jaor Rabo ClubSupport heite en weurtj noe gehaoje in 't naojaor. Wiltj g'r den op eur verenging Veldeke Krink Ech kenne stömme, móttj g'r waal aangemeldj zeen es lid bie de bank. Allein dao 'n bankraekening höbbe is neet genóg. G'r këntj det noe nog regele, zoadet g'r strakkes këntj mit doen.

*Tót zeens bie oos activiteite,
Ton van Wegberg, vöörzitter*

Opgave "Limburgs preuve" (Streukske, same mit 't geldj, in de bös op Thaalpad 129 Pey, tel. 411169)

Hiebie gaef ich mich op vöör deilname aan deze aovendj op 20 september a.s. in de Pejjerhaof. Vöör edere deilnummer höb ich 3 euro (leje) of 5 euro ingesloate in dees envelop. (Bankbetaling kan ouch via rek. nr. NL 65 RABO 0138 6319 64 t.n.v. Veldeke Krink Ech + óngestaondje gegaves + aantalle)

Naam:..... lidnummer of adres: